

նենալով նրան ոչ միայն մխիթարել և հարսանիքին ուրախ մասնակցել տալ, այլ անշուշտ նաև նրա նոր ննջեցյալին բավարարած լինելը: Փեսացուն շրջելով քահանայի հետ նոր ննջեցյալ ունեցող բարեկամների տները հարսանիքին հրավիրելու համար՝ հոգոց էր ասել տալիս և թողնում էր յուրաքանչյուր տանը մի շիշ օղի, անշուշտ ոչ թե կենդանի մնացողներին ուրախ տրամադրությամբ հարսանքավորներ ունենալու, այլ կրկին այդ միջոցով նաև ննջեցյալներին բավարարած և հրավիրած լինելու համար: Բոլոր հարսանեկան սեղաններին ոչ թե միայն քահանան էր սեղանը օրհնելիս հիշատակում բոլոր ննջեցյալներին, այլև թամադան առաջին թասը նրանց հոգիներին էր նվիրում՝

«Աստված բոլոր ննջեցյալների հոգիքը լուսավոր անի»:

Այս ամենով հատկապես ընդգծվում էր, որ նոր զուգը կոչված էր շարունակելու նախահայրերի սերունդը և նրանց հետ անբաժան միասնություն էր կազմում:

Ջանգեղուրի հարսանեկան սովորությունների մեջ դեռ մնում էր հիշատակ այն ժամանակներից, երբ նոր ամուսնությունը համարվում էր ոչ միայն մերձավոր տոհմը, այլ ամբողջ համայնքը շահագրգռող գործ: Այդ է պատճառը, որ երբ աղջիկը բերվում էր մի այլ գյուղից՝ պահանջվում էր, որ տղայի հայրը, իր ազգականների հետ գնալով նախօրոք այն գյուղը, տանուտներից համաձայնություն արած լինելը աղջիկ տանելու, նրան մի գումար վճարած՝ 40 կոպեկից մինչև 1 ռուբլի և, ի նշան նրա համաձայնության, նրա տեղադրման ներկայացնելը պսակող քահանային: Հայաբնակ ուրիշ վայրերում այսպիսի դեպքերում աղջկա գյուղի երիտասարդները աղջիկը ճանապարհ ձգելիս ձևական ընդգրկմադրություն էին ցույց տալիս և միայն մեք գումար ստանալուց հետո աղջկան բաց էին թողնում: Այս մանրամասնությունը Ջանգեղուրի հարսանեկան սովորությունների մեջ ոչ մի տեղ չի պահպանվել, ինչպես և շատ թույլ հիշողություն է մնացել, որ աղջկան մի թաղից մյուս թաղը տանելիս նրա թաղեցիք մի ժամանակ ընդգրկմադրություն էին ցույց տալիս: Հնում թաղերը տոհմական միություններ էին, ինչպես այդ պահպանվել էր օրինակ Զավախքի Կարգախ գյուղում կամ նույն Ջանգեղուրի Խնձորեսկ գյուղում: Մինչև վերջերքն էլ ձմեռը, երբ պսակվող զուգը գնում էր եկեղեցի, թաղի տղաները ձնապրծքներ էին տեղում նրա վրա:

Հնուց պահպանվող ազգակցական կապերի ուժն ամենից ցայտուն կերպով երևան էր գալիս այն սովորության մեջ, որ հարսանեկան ծախքերին մասնակցում էին նաև տղատիրոջ ազգականներն ու բարեկամները, ոչ միայն միևնույն գյուղում ապրողները, այլև հեռավոր գյուղերից եկողները, որոնցից մի քանիսը բերում էին նույնպես նվերներ այն ազգականներից, որոնք այդ գյուղերից որևէ պատճառով հարսանիքին ներկա գտնվել չէին կարողանում: Այդ օգնությունը տրվում էր հրապարակորեն հարսանեկան ծիսակատարությունները վերջացնելու միջոցին: Տեղի էր ունենում Կանչը: Թմբկահարը դնում էր մեջտեղ նըղաբան, տրփօլը, դավալը՝ թմբուկը գյուղի տանուտների առջև, որը գրեթե միշտ ներկա էր գտնվում հարսանեկան հանգեսին, կամ նրա բացակայության դեպքում՝ տղայի հոր առջև: Կանչվում էր նախ տան ամենամոտիկ բարեկամը, սովորաբար քաջօրը, և նա դնում էր թմբուկի վրա իր զրամական նվերը: Նաղաբա քիսօլը՝ տրփօլին բարձրաձայն հայտարարում էր.

«Քավօր Թոնին կանչեց էսքան մանէթ: Իրէն աղապին (չամուսնացածին) էլ փօխ ինի»: